

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2108 del 03/08/2021

Traduzione in ladino

Euregio, concors fotografich per l calandèr 2022

Amò n'outa l'Euregio Tirol-Sudtirol-Trentin se ouc ai fotografes amatorièi per troèr fora i retrac più bie de l'Euregio per l Calandèr 2022. Pel esser retrac de paesajes, de architettura e cultura regionèla e ence de elemenc carateristics del teritorie: a chi che tol pèrt ge vegn lascià libertà de esprescion. L'argument prinzipèl l'é aboncont chel di colores e de la cater sajons. I retrac più bie i vegnarà publiché sul nef calandèr de l'Euregio, che l vegnarà fat tant te n format da poder tachèr sù che da pojer sun desch.

I premies sarà na ombrela da gofa Euregio, de auta calità endotèda de n mecanism automatic e n codejel "Agenda Euregio" tel design Euregio. I premies i ge vegnarà dac ai venjidores, de chi che i retrac i vegnarà duré per la pruma piata, per l retrat del meis opuramenter per fèr n colage de imagines. Ge vegnarà ence dedicà na piata del Calandèr de l'Euregio 2022 ai venjidores.

Duc chi che vel, ic e eles che fèsc pèrt de l'Euregio Tirol-Sudtirol- Trentin, pel tor pèrt al concors. Se pel manèr ite fin a cater retrac per ogne sajon (per n total de 16 retrac en dut). L'Euregio domana de manèr ite i retrac co na ressoluzion auta, ge jontan ite informazions en cont del soget tout jù e de l'artist.

Se pel tor pèrt enschin ai 12 de setember del 2021 tras l link www.euregio.info/concorso

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)